

李文忠公奏稿

李文忠公文稿

卷之五十九目錄

息借德商銀款摺

光緒十三年正月初五日

籌還洋款本息片

光緒十三年正月初五日

奉天米豆改雇官輪摺

光緒十三年正月二十一日

工賑收支彙報摺

光緒十三年正月二十一日
附清單

電綫津貼學堂用款摺

光緒十三年二月初九日

奏留聯芳片

光緒十三年三月二十三日

周馥總理北洋營務片

光緒十三年三月二十六日

永定河秋後察辦摺

光緒十三年三月二十六日

威海大連灣籌撥防款片

光緒十三年三月二十六日

洋藥稅釐撥還洋息摺

光緒十三年四月初七日

輪船修費請免追繳片

光緒十三年四月初七日

開墾稻田緩議增租片

光緒十三年四月初七日

唐定奎請卹摺

光緒十三年四月初七日

中法鑄錢運京摺

光緒十三年四月十二日

請開淄川鉛礦片

光緒十三年四月十二日

驗收吳大澂所購礮彈片

光緒十三年四月十二日

宋軍遣費仍請准銷摺

光緒十三年四月二十日

請賞德員寶星片

光緒十三年四月二十日

匪徒比照重例摺

光緒十三年四月二十日

黑龍江電綫籌款片

光緒十三年四月三十日

巡船價銀分期改撥摺

光緒十三年四月三十日

李文忠公奏稿卷五十九

全集一之五十九

桐城吳汝綸編錄

息借德商銀款摺

光緒十三年正月初五日

奏爲借定銀款以濟工程要需恭摺仰祈

聖鑒事竊前准海軍衙門咨開十二月初十日醇親王面奏現由北洋大臣籌措銀八十萬兩預備明春分放工程處經費此項銀兩請由閩海關按年解工程處之十萬兩改解北洋歸款等因奉諭旨依議欽此伏查上年十一月奉醇親王面商以工費支絀擬借銀款卽作爲軍處會辦海軍需用臣遵卽密飭署長蘆運使本任津海關道周馥署津海關道劉汝翼與在津各銀行妥商辦理嗣以英商匯豐麗如法商新盛各銀行或息銀較多還本太速或須照鈔價並索勞金又令該道等逐細磋商擇便商借該道等查

有德國華泰銀行可以借款現設天津之德國禮和行向代華泰
辦事遂經道員伍廷芳向該行代理人連納詢商連納情願密電
華泰借款旋即議妥訂立合同五條允借馬克五百萬按時價約
合銀九十七八萬歲息五釐五毫以西歷十五年爲期先五年還
利後十年帶利還本利銀即按本遞減進出皆以馬克合銀各按
時價彼此俱不喫虧自來中國借川洋款歲息輕減無過於此既
不以關稅作保亦無庸如他處月加五釐或二三釐勞金僅於交
銀後月酬送該行夥銀一千兩核計尙爲合算臣與醇親王節次
面電商定因飭該道周馥等於十二月二十六日與連納將合同
兩分畫押並由周馥劉汝翼印現送臣加蓋關防批准照辦發
回分別存執伍廷芳熟悉英文所有合同內華英文義均據該道
細心校對並無參差其銀自光緒十三年二月二十一日起至閏

四月初二日止分作十次每次五十萬馬克由柏林換成銀兩匯至天津交津海關道兌收聽候海軍衙門提取分批解京應用俟收清後由津海關道與禮和行折中核定收銀日期以便起息按半年付息銀一次俟第六年年底起每年還本銀五十萬馬克均由津海關道經付至華泰銀行若將此借款在德國另分小票賣與別人應由臣隨時知照出使德國大臣照向章蓋押或蓋印俟每次還本之後仍令華泰銀行收回小票繳還津海關道查銷應請

敕下總理各國事務衙門將臣經手借用德商華泰銀款奉

旨允准照會德國駐京公使以堅其信除照鈔合同五條咨送海軍衙門總理衙門查照並將籌還本息事宜月片詳陳外所有借定銀款緣由理合恭摺由驛具陳伏乞

皇太后

皇上聖鑒訓示謹

奏

籌還洋款本息片

光緒十三年正月初五日

再此次借用德商銀款五百萬馬克照現在時價約合銀九十七萬兩曾經醇親王奏准由閩海關按年解工程處之十萬兩改解北洋歸款查還本雖在五年之後但事關中外交涉必須預先籌備方免臨時爲難應由閩海關遵照奏案每年撥解北洋銀十萬兩以十年解足一百萬兩爲限擬俟解到後陸續發行生息計有歲息五釐將來或湊作還本之用或月備海軍緩急之需於公家不無裨益於該關解款並無出入由臣隨時咨報海軍衙門查照應請

敕下福州將軍從光緒十三年起每年分五九月兩期每期五萬兩如數匯到天津勿稍延欠致誤至應付德商息銀自第一年至第六年每年以馬克約合銀五萬五千兩第六年年底先還本銀

五十萬馬克第七年減成息銀約四萬九千五百兩嗣後遞年還
本五十萬馬克息亦遞減所有此項息銀前與醇親王函電商定
應令江海津海江漢浙海九江山海六關道按年分攤報效給予
獎敘茲臣將每年息銀以十成計算斟酌各關情形分別數目擬
江海津海兩關每年各攤二成五釐江漢關每年攤一成四釐浙
海九江兩關每年各攤一成三釐山海關每年攤一成如第一年
應付息銀約合五萬五千兩江海津海兩關各攤一萬三千七百
五十兩江漢關攤七千七百兩浙海九江兩關各攤七千一百五
十兩山海關攤五千五百兩至第十五年為止息銀祇須五千五
百兩江海津海兩關各攤一千三百七十五兩江漢關攤七百七
十兩浙海九江兩關各攤七百十五兩山海關攤五百五十兩尚
屬聚斂易舉但必自光緒十三年起按每年五九兩月照數匯到

天津以便按期應付亦不得稍有延欠失信外人現在銀數係按目下時價每馬克約庫平銀二錢將來如有時價漲落數目盈絀多則撥還少則補解由津海關道與各關隨時核算具報至各關道皆受

恩深重自必竭誠報效此項息銀不動正款急公可嘉應給獎敘請照收銀時捐章由臣飭取履歷咨部核給如現行海防捐例卽照海防例核給仍准其移獎以昭激勸俟奉

旨後臣卽將擬定各關每年應攤銀數分飭遵照辦理仍咨海軍衙門總理衙門及戶部備案所有分別籌還洋款本息緣由理合附片具陳伏乞

聖鑒訓示施行謹

奏

奉天米豆改雇官輪摺

光緒十三年正月二十一日

奏為天津甯河海船代運奉天米豆賠累難支擬設法變通改由官雇輪船承運以紓民困恭摺仰祈

聖鑒事竊據天津道胡燏棻詳稱奉天牛莊及錦甯廣義四州縣每年應交通倉米豆向係天津甯河兩縣飭備海船前赴該省代運於海船戶內輪派戶長承值此差往返守候須四五箇月之久既苦廢時失業而例領水腳極微各項花銷甚大雖有津甯兩縣出海商船公攤津貼乃因船少收數無幾每年約不敷銀二萬數千兩皆須戶長包賠上年議准收取奉省槽牛各船津貼多寡難定亦慮無濟前充戶長之家多已產業蕩然是以養船者往往拆毀改造以圖倖免再過數年勢必津甯海船悉數變賣商民生計益窘此差亦無人承當關繫實非淺鮮據該兩縣紳董工部員外

郎馮僧年前山西甯鄉縣知縣陳鴻燾等懇情稟請設法變通或歸奉省自運或由官屬輪船承運該道胡燏棻當飭傳戶長面詢情形緣從前承辦此差賴有津甯海船六百餘號公攤津貼尙敷運費自海禁一弛商民貨物均歸輪船夾板裝運其向有之海船無利可圖遂多變賣近來該兩縣止有船一百餘號所收津貼不及運費三分之一各口又有雜項使費故每屆須賠銀二萬餘兩之多凡前充戶長家道殷實者無不相繼歇業頓成赤貧若再責令承充實屬力盡筋疲萬難賠墊情詞哀迫聞之惻然查奉天米豆本應該省自行起運非津甯船戶應辦之事且所發水腳自同治八年改給六成實銀除去扣平等項數更無幾奉省並無分文津貼以致鄰省商戶受累滋深殊非情理同治十一年曾奏請歸奉省自運而該省以並無出海大船爲詞仍令津甯照舊承辦該

商船迫於地方官之命勉強支持又閱十餘年生意日益蕭索儻不設法變通以後無船無人從何設想若再請由奉省自運勢必仍執前說徒繁案牘不如改山天津道雇用輪船前往分批裝運應需輪船水腳及由津至通內河剝船運費委員薪水書役飯食通壩開銷按照近年起運米收摺節核算約需銀二萬兩上下除藩庫應發實銀三千餘兩其餘仍由津甯商船及奉省槽牛各船捐繳津貼以資挽運設有不敷再由天津道庫設法籌墊米豆到津後起剝運運事宜仍由該道督同天津縣照向章妥辦惟從前海船分赴奉省各海口領運該省必俟船隻到齊始行文派員套斛開兌以致海船日久守候受累不堪輪船則行駛迅速剋期必到迥非海船之先後不齊遲早難定者可比現除牛莊米豆係由盛京戶部派委旗員經收應令就近運赴營口剝兌外其錦甯廣

義四州縣初運次運米豆若令運至營口相距尙遠恐該州縣挽
運維艱查甯遠州向於釣魚臺海口刺兌錦廣義三州縣向於錦
縣東海刺兌釣魚臺本係海崗儘可停輪受載應令甯遠州仍照
舊運至該口聽候刺兌並令錦廣義三州縣運至錦縣西天橋廠
地面該處起刺較東海尤爲便捷輪船亦可停泊聞上年該三屬
官吏與戶長會有此議嗣後每屆俟牛莊委員及四州縣米豆運
齊到口該省所派押運監兌各員均應及早報到由各該員就近
馳稟山海關道電知天津道立即屆備輪船仍派領運委員乘輪
前往會同該省各員驗明套斛勒限即日兌竣開行米數無多約
計往返三四次可一律蒞事但輪船與民船不同斷不能稍有守
候致滋口舌應令奉省承辦各員一俟輪船駛抵口岸務須從速
剴兌不得片刻耽延儻不將米豆先期運齊到口致令輪船守候

賠累所有守候期內辛工煤汕一切費用均應責令該省承辦各員照數罰繳仍由天津道詳請奏參以重運務至本省應派押運監兌人員及牛莊委員與各該州縣應報起運米豆數目清冊均照向章辦理毋庸更議此次直省改由官雇輪船代運無非上顧京倉下恤民困不得不力任其難所以爲奉省代籌者實已情理兼至前經山海關道議准抽收營口槽牛各船津貼應仍責成營口該管廳縣會同直省委員一體認真籌辦並由山海關道隨時督察毋使收數短絀轉致直省空陪雇輪之價其牛莊委員並各該州縣起剥米豆上船應需剥船套斛等費歷年均取之津甯海船實屬任意苛累現既改歸官雇輪船承運則一切費用均應令該委員州縣自行籌給直省除發給輪船水腳外不能應付絲毫別項儻該委員州縣丁役仍刁難需索卽由直省領運委員據實

稟請參辦以除積弊而昭公允據該道胡燏棻具詳請奏聲明自今年為始先行試辦前來臣查自海口通商以後津甯海船生意蕭索拆毀大半仍責令代運奉省米豆實屬賠累難支疊據紳商瀝陳苦況呈請變通情詞極為迫切若再因循抑勒誠恐船隻變賣一空於民生運務大有妨礙今該道擬請改由官雇輪船承運所需外海內河運費通壩開銷仍以藩庫例領之款及津甯商船奉省槽牛各船津貼抵用係為因時制宜除累恤民起見且奉省米豆本係海運今不過改民船為輪船由官承辦藉可革除浮費樽節用項而輪船往返迅速米豆不致蒸變尤於天庾正供有裨如果所收津貼尚敷開支即應永遠循行應請今年為始先行試辦飭由該道將未盡事宜妥細籌畫但輪船資成本太重斷難守候必須奉省事事從速先將米豆提前運

到口由山海關道電知以便雇輪前往船到卽日兌裝否則應令
奉省承辦之員賠出守候期內輪船費用其起剝上輪應需剝船
套斛等項亦應由該省承辦各員籌給不得再有刁難需索違則
由臣查明參辦以肅功令擬請

敕下

盛京將軍戶部侍郎奉天府尹分飭遵照一體認真妥速辦理毋
稍遲誤除咨行外理合恭摺具陳伏乞

皇太后

皇上聖鑒訓示施行謹

奏

工賑收支彙報摺

光緒十三年正月二十一

奏為查明光緒十年七月至十二年六月籌辦災賑工撫收支銀錢米衣照案開單彙報仰祈

聖鑒事竊前因直屬旱澇成災辦理賑撫業將收支各款截至十年六月止開單彙報請免造冊奉

旨該部知道單併發欽此轉行遵照在案伏查十年秋順直各屬被水成災民情困苦十一年六月以後又大雨連旬上游山水奔騰匯注河隄多被衝漫附近田廬悉遭淹浸疊經臣奏奉

恩旨截撥漕糧並於藩運庫酌提正雜各款商請各省勸捐接濟分別賑撫業將辦理情形先後

奏報在案所有收支銀錢米衣各數應自光緒十年七月起截至十二年六月止核實開報飭據籌賑局司道詳稱上屆原存連此

次新收共銀四十五萬六千四百六十九兩零津錢八萬九千四百六十三串零漕米十萬二千一百六十一石零大米一百七十六石零粟米二萬二千九百二十二石零高粱六百四十四石零棉衣六萬九千九百八十二件除支發外應存銀八萬一百三十一兩零津錢一千八百十串零漕米八千六百六十九石零粟米六百一十石零棉衣一萬一百三十一件已歸十二年秋災用款另行開報等情前來。查此次辦理賑撫仍係恪守歷屆定章凡有不急可省之費無不力加裁汰其窪區應賑者先由各州縣查明村莊災歉分數由府廳督同復勘相符再派廉幹員紳確查戶口核實散放不假胥吏之手災輕則口多糧少災重則口少糧多隔水泛舟行泥乘輜孤村荒落無敢或遺復於天津及保定省城分設粥廠米廠留養並給棉衣以免凍餒或量備醫藥以治疾病其

遠來就食無力歸耕者則給籽種口糧川資遣回原籍俾安生業
至各處河隄工程均揀派道府員紳與賑局司道擇要籌辦卽招
集災黎就地備趁工撫兼施所用之款涓滴歸公絕無浮費臣與
司道認真督察茲復加稽核委係實用實銷謹彙開清單恭呈
御覽仰懇

天恩俯照應屆奏准成案免造細冊以昭核實而免繁費理合恭
摺具陳伏乞

皇太后

皇上聖鑒訓示謹

奏

謹將光緒十年七月至十二年六月籌辦災賑工撫收支銀錢米糧棉衣數目核實開具清單恭呈

御覽

上屆報銷原存項下

一存銀二十四萬五千八百七十四兩四錢二分九釐七毫三

五忽六微

津錢四千九百八十四串七百九十六文

粟米二十八石八斗九升九勺

高粱六百四十四石五斗

十年冬撫十一年春撫收款

一收藩庫六分部平銀一萬二千兩

一收長蘆運庫鹽斤加價銀一萬兩爐工節省銀五百十兩七分

二釐

一收本省外省官紳捐銀二萬六千四百七十八兩一錢八釐二毫棉衣三萬四千九百八十二件

一提銀八千兩易入津錢二萬五千七十六串

一收葛沽營田租米八十八石二斗

一收采買粟米一萬一百四十四石

十一年秋災收款

一收藩庫地糧銀五萬兩耗羨銀三萬二千兩六分部平銀一萬

八千兩

一收截留江蘇漕米隨漕輕辦銅價等銀一萬五千二百兩八錢

八分六釐

一收長蘆運庫爐工節省銀四百六十七兩四錢九分六釐鹽關

上款銀七百五十八兩四錢鹽斤加價銀四千二百六十一兩七錢九分五釐八毫

一收支應局釐金銀五千五百十六兩三錢八分五釐六毫五絲八忽六微

一收本省外省官紳捐銀七千五百二十一兩八錢四分津錢八十串棉衣一萬件

一提銀一萬八千兩易入津錢五萬六千二百九十三串

一收截留江蘇漕米十萬石經銷耗食漕米二千一百六十一石五斗

一收葛沽營田租米八十八石二斗

一收采買粟米一萬二千七百五十石

一收成做棉衣二萬五千件

十二年春撫收款

一收藩庫地糧銀三萬兩

一收長蘆運庫正雜課銀二萬兩

一收支應局釐金銀四千八百八十兩三錢九釐九毫四絲

一提銀一千兩易入津錢三千三十串

以上原存新收共銀四十八萬三千四百六十九兩七錢一分三釐二毫三絲四忽二微內除提出銀二萬七千兩易錢應用外實收銀四十五萬六千四百六十九兩七錢一分三釐二毫三絲四忽二微

津錢八萬九千四百六十三串七百九十六文

漕米十萬二千一百六十一石五斗

大米一百七十六石四斗

粟米二萬二千九百二十二石八斗九升九勺

高粱六百四十四石五斗

棉衣六萬九千九百八十二件

十年冬撫支款

一天津縣飢民九千三十一戶大小折成二萬一千九百七十口
半計發銀五千四百九十二兩八錢二分棉衣二千一百八件
一靜海縣飢民六千三百九十九戶大小折成二萬五千九百五
十五口計發銀五千一百二十兩

一青縣飢民三千八百六十八戶大小折成一萬七千九百八十
六口計發銀四千六百二十兩

一鹽山縣飢民一千四百四十四戶大小折成六千九百五十一
口計發銀一千六百六十兩

一河間縣飢民一千一百七十五戶大小折成六千八十五口半計發銀二千六十兩

一獻縣飢民五千二百七十二戶大小折成一萬七千九百九十七口半計發銀五千六百二十兩

一雄縣飢民二千四百九十六戶大小折成四千八百三口計發銀二千二十四兩

一安州飢民一萬三千三百十六戶大小折成四萬二千九百二口計發銀三千二十四兩

一高陽縣飢民八百四十八戶大小折成三千二百四十六口計發銀五百二十四兩

一安平縣飢民三千六百五十二戶大小折成九千九百八口計發銀一千二十四兩

一深澤縣飢民一千九百六十四戶大小折成七千一百七十七

口計發銀八百二十四兩

一保定省城四關設立米廠收養飢民一萬五千二百五十三口計發粟米四千三百九石九升銀一千九百八十五兩四錢棉衣一萬件

一津郡設立粥廠三處十月十二日起至正月二十九日止收養飢民一萬一千九百四十八口計發粟米五千一百四十四石銀七百二十九兩添置一切器具修葺粥廠房間津錢一千二百九十三串五百九十二文柴薪鹽菜津錢一萬七千八百九十六串三百三十四文資遣津錢六千七百五十二串棉衣一萬三千六十一件

一發津郡恤產保嬰養病所經費銀五百十兩七分二釐

一 津郡廣仁堂經放貧民五百三口發大米八十八石二斗棉衣三百件

一 采買粟米一萬一百四十四石發價銀一萬五千九百二十兩錢四分

一 發津郡城鄉貧民棉衣一千四百二十三件

一 發京廣仁堂經放棉衣一千件

一 十一年春撫支款

一 天津縣飢民九千二十八戶大小折成二萬八百五十七口計發銀三千三百二十五兩四錢三分八釐二毫津錢二千四百四十六串五百二文

一 河間縣飢民一千一百八十六戶大小折成六千五十七口計發銀一千六十兩

一獻縣飢民六千七百十八戶大小折成二萬二千八百五十一口半計發銀二千九百三十七兩四錢六分

一安州飢民六千五百八十七戶大小折成一萬九百九十五口半計發銀三千二十四兩

一高陽縣飢民八百四十八戶大小折成三千四百八十口計發銀五百二十四兩

一安平縣飢民三千六百五十二戶大小折成九千八百九十七口半計發銀八百二十四兩

一深澤縣飢民一千九百六十四戶大小折成七千七百十七口計發銀六百二十四兩

一楊村苦累剝船一千九百四十八戶大小折成八千四百十六口計發高粱六百四十四石五斗

一挑東光境內宣惠河自于家窪起至劉福清橋止工長一千四百六丈挑成口寬七丈至十丈五尺底寬五丈八尺至九丈九尺加深七寸至一尺七寸不等計發工撫銀一千六十一兩

一挑南皮境內宣惠河自劉福清橋起至璋壁莊止工長五千一百三十八丈挑成口寬六丈四尺至十七丈四尺底寬三丈八尺至五丈六尺深三尺五寸至一丈六尺三寸不等計發工撫銀二萬二千五百五十七兩五分

一挑滄州境內宣惠河自璋壁莊起至燕子窪止工長五千五百六十七丈挑成口寬七丈至九丈五尺底寬三丈五尺至六丈二尺深六尺至一丈一尺不等計發工撫銀一萬八千九百八十兩

一挑鹽山縣境內宣惠河自燕子窪起至山東海豐縣交界止工長一萬三千九十六丈挑成口寬六丈至八丈六尺底寬四丈至

七丈深二尺一寸至七尺七寸不等計發工撫銀一萬五千六百八十七兩

一建東光境內于家窪灰壩壩口龍骨長二丈寬六丈高河灘八尺五寸迎水簸箕長四丈五尺簷口寬八丈出水簸箕長八丈簷口寬十丈計發工撫銀四千四百八十八兩四釐二毫

一修高陽任邱境內千里隄工自白石碑起至宗家佐止工長一千九百三十七丈加寬八尺至二丈一尺高二尺至七尺不等計發工撫銀一千一百七十兩

一築雄縣任邱博野境內渚龍大清等河壩埽九段共長六十六丈頂底均寬五尺至一丈三尺高七尺至一丈三尺鑲磚埽十段共長四百六十七丈頂底均寬五尺至一丈三尺加高二尺至三尺五寸不等計發工撫銀四千七百三十兩

一築天津境內鳳河斜隄自唐家灣起至鳳河東隄尾止工長一千三百十二丈五尺築成頂寬一丈五尺底寬五丈至六丈高七尺至九尺不等計發工撫銀一千五百兩

又築韓家墅火藥庫外圍隄工長一百五十丈築成頂寬一丈五尺底寬七丈高一丈計發工撫銀五百兩

又挖清河下口淤土工長六百五十丈撈挖口寬六丈底寬四丈深五尺至五尺五寸不等計發工撫銀一千五十二兩四錢三分

津錢一千八百四十四串四百六十大文

一修靜海境內子牙河東隄自岳兒莊起至義和莊橫埝止擇要培修工長二千二十丈修成頂寬一丈一尺至二丈底寬四丈至七丈高八尺至一丈二尺不等計發工撫銀一千九百二十六兩九錢六分

一挑天津靜海境內秋漠港河自秋漠港中起至小金莊止工長二千六十丈挑成口寬三丈四尺至四丈二尺底寬一丈八尺深四尺至六尺不等計發工撫銀二千五百兩

一修秋漠港河兩隄自小孫莊起至巨葛莊止共長六千二百九十九丈修成頂寬一丈底寬三丈至三丈八尺高五尺至七尺不等計發工撫銀六千五百兩

一堵交河境內煙墩隄漫口壩工共長七十二丈頂底均寬四丈均高八尺又築挑水壩一道工長五丈頂底均寬一丈八尺高一丈五尺又鑲邊埽九段共長三十八丈五尺頂底均寬一丈至一丈二尺高九尺至一丈又培修隄工共長三百八十六丈頂底均寬一丈至六丈高三尺至一丈不等計發工撫銀四千八十五兩

三錢八釐

一建天津境內梁家園石閘四劫其長三丈二尺砌成條石高一丈一尺計發工撫津錢六百五十一串三百九十八文

一建文安境內灘里石閘金門口寬二丈金牆二各長二丈各高一丈七尺閘翅四各長二丈五尺各高一丈七尺四隅灰土包角閘上成椅閘板閘房俱全計發工撫銀四千三百五十九兩八錢九分

一挑文安境內灘里引河自大窪中起至新開口止水中撈挖工段共長五百六十五丈撈成口寬六丈至十丈底寬四丈至六丈深三尺至七尺不等又潘平村河挑淤一段工長三百四十丈挑成口底均寬三丈深三尺計發工撫銀三千五百六十八兩七錢五分

一修天津境內塌河淀北隄自南倉村起至小淀村止工長三千

一百六十五丈五尺修成頂寬一丈底寬三丈六尺至四丈六尺高四尺至九尺不等又挑陳家溝子河白金鐘河口起至甯河交界止工長一千丈挑成口寬三丈至五丈底寬二丈至四丈深二尺計發工撫銀三千四百三十六兩六錢一分四釐

一堵故城境內南運河西岸前鐵房漫口壩工共長三十六丈頂寬二丈五尺底寬六丈二尺高深一丈二尺九寸計發工撫銀一千七十七兩四錢五分六釐

一挖饒陽境內潯沱河自王官屯起至宋家房止工長八千五百九十八丈五尺挖成口寬十丈至十三丈底寬六丈七尺至八丈八尺深二尺至五尺八寸不等計發工撫銀一萬七千六十二兩六錢四分

一修獻縣境內盜陽河西隄自雙村起至新河尾止工長二千九

百九十一丈修成頂寬八尺至一丈五尺底寬二丈五尺至六丈高三尺五寸至八尺五寸不等計發工撫銀二千三百七十一兩六錢一分六釐

一建天津境內三岔河口泊岸工長五十四丈均寬五尺至八尺高深六尺至一丈四尺下釘地樁分築灰土中釘排樁上鋪厚板計發工撫銀二千四百四十四兩九錢二分二釐六毫五絲八忽六微

一挑獻縣境內滹沱新河佔用民地八頃二十六畝一分三釐七毫給還地價計發銀三千三百四兩九錢四分八釐

一發永定河麻袋月夫兵飯等銀三千七十一兩四錢五分三釐

十一年冬撫支款

一天津縣飢民一萬六千九百六十九戶大小折成五萬七千八

百七十四口計發漕米二千五百石銀一萬三千九兩七錢九分五釐八毫津錢四百九十四串一百六文

一靜海縣飢民二萬一千七百四十戶大小折成十五萬二千七百九十五口半計發漕米一萬石銀一萬兩津錢九百串棉衣四千九百二十八件

一青縣飢民二萬四千戶大小折成九萬一千六百四十九口半計發漕米七千石銀七千兩津錢一千一百七十串棉衣三千件

一滄州飢民九千二百三十九戶大小折成三萬八百十六口半計發漕米三千石津錢六百三十串

一南皮縣飢民五千八百二十六戶大小折成二萬六千七百七口計發漕米三千五百石津錢一千五十串

一鹽山縣飢民一萬九百三十六戶大小折成四萬二千八百九

十九口半計發銀六千兩

一慶雲縣飢民六千八百九十戶大小折成二萬四千十五口計

發銀三千兩

一河間縣飢民八千三百六戶大小折成四萬八千四百五十三

口半計發漕米四千石津錢八百四十串

一獻縣飢民七千七百八十三戶大小折成二萬四千二百八十

四口半計發漕米五千石銀五千三百三十九兩六錢八分六釐

津錢二千八百八十五串五百文

一肅州縣飢民二百六十七戶大小折成一千二百十六口半計

發銀八百兩

一吳橋縣飢民七百八十三戶大小折成二千八十一口半計發

漕米八百石津錢三百八串八百文

一任邱縣飢民一千一百三十六戶大小折成五千二百二十二

口半計發酒米一千二百石津錢二百八十串八百文

一東光縣飢民二千二百三十八戶大小折成七千八百九十三

口半計發酒米一千石津錢三百三十六串

一交河縣飢民八千八百四十一戶大小折成二萬七千五百口

計發酒米二千五百石津錢七百六十四串四百文

一安州飢民三千九百七戶大小折成一萬八千六百四十八口

半計發酒米一千二百石銀一千二百兩津錢二百八十八串

一雄縣飢民三千五百一戶大小折成七千八十一口計發酒米

六百石銀二千兩津錢一百二十六串

一新河縣飢民二千二百三十一戶大小折成五千二十二口半

計發酒米八百石津錢三百八十四串

一安平縣飢民一千九百三十九戶大小折成五千五百六十三口計發銀六百兩

一高陽縣飢民六百二十九戶大小折成二千三百三十四口半

計發銀六百兩

一深澤縣飢民七百十八戶大小折成二千八百十三口半計發銀六百兩

一冀州飢民九千五百五十八戶大小折成三萬六千五百六十四口計發銀八千兩

一定州飢民三千八百九十六戶大小折成一萬八千五百三十三口計發銀四千兩

一薊州飢民五千五百五十八戶大小折成二萬六千五百七十四口計發銀六千兩

一武清縣飢民六千六百七十三戶大小折成三萬二千四百三十四口計發漕米二千五百石津錢三百二十四串

一寶坻縣飢民一千一百七十七戶大小折成三萬七千一百七十七口半計發銀五千兩

一文安縣飢民七千六百四十戶大小折成二萬六千一百八十二口半計發銀七千兩津錢一千三百十七串九百九十八文

一大城縣飢民一萬九千五百七十八戶大小折成九萬三千五百八口計發漕米四千石銀二千兩津錢一千九百三十八串一百九十八文棉衣二千件

一保定縣飢民八十九戶大小折成四百八十一口計發漕米三百三十石津錢五十五串九百文

一甯河縣飢民二千九百四十二戶大小折成六千四百七十五

口計發銀二千六百兩津錢八十串

一發熱河朝陽縣粥廠經費銀三千兩

一協濟四川旱災賑撫銀一千兩

一協濟廣東廣西水災賑撫銀五千兩

一保定省城四關設立米廠收養飢民一萬三千六百八十五口
計發粟米五千七十七石九斗銀一千九百九十四兩九錢一分二釐
棉衣四千件

一津郡設立粥廠三處十月十二日起至正月二十二日止收養
飢民一萬四千五百七十三口計發粟米七千八百五十石銀八
百六十六兩添置一切器具修葺粥廠房開津錢三千二百九十
八串七百五十二文柴薪鹽菜津錢二萬二千一百八十八串八十
六文資遣津錢一萬二千八十五串四百九十文棉衣一萬一千

七十件

一采買粟米一萬三千七十九斗發價銀二萬四千七百四十五兩七錢二分四釐

一置買麻袋五萬條發價銀一千七百五十八兩七錢五分

一成做棉衣工料銀八千五百五十七兩六分七釐五毫

一發津郡恤產保嬰養病所經費銀四百六十七兩四錢九分六釐棉衣四百件

一津廣仁堂經放貧民四百九十八口發大米八十八石二斗棉衣二百件

一發津守望局委員經放棉衣二百四十四件

一發京廣仁堂經放棉衣一千件

一發津郡城廂貧民棉衣五千一百十七件

一發查賑並勸種稻秧各委員薪水盤費銀三千七百六十五兩五錢九分九釐八毫

一發監兌並查勘河工員役薪工等銀一千七百九兩一錢三分六釐二毫五絲津錢二百七十四串六百文

一發十年冬十一年春冬刷印賑票告示紙張工料津錢一千四百三串七百二十文

十二年春撫支款

一天津縣飢民七千一百八十五戶大小折成二萬二千八百三十五口半計發漕米一千八百石銀二千五百兩津錢三千三百四十四串九百二十八文

又加撫津郡城關極貧飢民三百五十七戶大小折成一千四百一十九口計發漕米三百五十一石

一靜海縣飢民一萬九千三百四戶大小折成九萬六千一百九十一口半計發漕米五千七百二十四石六斗七合七勺銀七百

兩

一青縣飢民一萬三千九百十九戶大小折成五萬一千二百八十口半計發漕米二千五百石銀二千兩

一滄州飢民九千三百四十一戶大小折成二萬九百五十六口計發漕米一千石

一南皮縣飢民六千七十六戶大小折成二萬六千三百七十口計發漕米二千一百石銀四百兩

一鹽山縣飢民一萬八百九十一戶大小折成四萬四千二十口半計發漕米二千八百石銀一千四百兩

一河間縣飢民七千八百四戶大小折成三萬九千五百七十一

口半計發漕米二千石

一獻縣飢民八千六十六戶大小折成一萬九千九百二十二口

計發漕米二千五百石銀六百九十一兩四分三釐九毫

一肅甯縣飢民二百四十戶大小折成一千三百八十四口半計

發銀六百兩

一任邱縣飢民一千一百五十二戶大小折成五千二百七十九

口半計發銀一千兩

一交河縣飢民八千九百七十戶大小折成二萬七千七百九十

七口計發漕米二千五百石

一東光縣飢民六百九十七戶大小折成二千五百三口半計發

漕米一千三百石銀四百兩

一景州飢民一萬二千九百六十七戶大小折成四萬八百七十

七口計發漕米三千五百石

一豐潤縣飢民七千五百三十五戶大小折成三萬二千四百二十九口半計發銀一千六百兩

一雄縣飢民二千四百八十戶大小折成七千五百五十口計發銀一千五百兩

一安州飢民三千八百三十戶大小折成一萬七千八百三十四口計發銀二千兩

一高陽縣飢民六百四十二戶大小折成二千五百五十六口半計發銀五百兩

一新河縣飢民一千八百九十四戶大小折成四千九百七十五口半計發銀九百兩

一安平縣飢民一千九百五十九戶大小折成五千五百九十八

口計發銀五百兩

一深澤縣飢民七百十八戶大小折成二千八百六十三口半計

發銀五百兩

一文安縣飢民一萬六百七十五戶大小折成二萬五千六百十

五口計發漕米三千石銀八百兩

一大城縣飢民一萬一千四百五十九戶大小折成五萬五百四十七口半計發漕米四千三百石銀二千一百八兩九錢五分六

釐一毫

一霸州飢民五百八十二戶大小折成五千九百四十五口半計

發銀二千六百十二兩九錢八分三釐九毫四絲

一保定縣飢民八十九戶大小折成四百八十一口計發銀三百

兩

一武清縣飢民五千三十一戶大小折成一萬四千五百二十三口半計發漕米一千五百石

一寶坻縣飢民五千二百七十五戶大小折成一萬九千七百六十二口計發漕米二千石

一薊州飢民九百五十六戶大小折成二千三百三十三口計發漕米二千六百八十八石二斗八升

一甯河縣飢民七千九戶大小折成一萬五千一百二十三口半計發銀四千兩

一發查賑委員薪水盤費銀三千四百二十八兩

一協濟山東水災賑撫銀五千兩

一除歷次折耗漕米一千九百九十八石二斗

一築博野益縣高陽任邱雄縣新城境內瀦龍大清等河隄新埽

一段工長四十三丈頂底均寬一丈二尺五寸高七尺五寸又鑲
舊路三十三段共長一千六十丈四尺頂底均寬四尺至一丈五
尺加高一尺至一丈不等計發工撫銀二千三十八兩五釐

一修蠡縣高陽任邱境內千里隄土格埝工共長一千六百二十
一丈五尺加寬五尺至一丈四尺高一尺至六尺不等計發工撫
銀五百兩九分

一築故城縣境內南運河西岸壩埝九段共長四十五丈四尺頂
底均寬八尺至一丈五尺均高一丈三尺至二丈六尺又培修隄
工一段計長一百二十一丈五尺築成頂寬二丈至四丈八尺底
寬二丈五尺至八丈一尺高四尺至一丈一尺不等計發工撫銀
二千兩

一修獻縣境內滹沱河北隄工長六千八百二十三丈修成頂寬

二丈至五丈底寬五丈七尺至十二丈二尺高七尺五寸至一丈二尺五寸不等計發工撫銀一千四百兩

一慶雲縣招集災民修築城垣缺口十三段共長一百四十三丈三尺修成頂底均寬八尺至二丈高一丈二尺至二丈三尺又築女牆十二段共長七十九丈六尺修成頂底均寬三尺高二尺計發工撫銀一千兩

一堵玉田縣境內還鄉河小馬莊決口土工計長一百三十六丈三尺築成頂寬一丈底寬五丈至十丈六尺高一丈至一丈六尺臨河一面加鑲埽段工長四十五丈頂寬一丈至二丈六尺底寬一丈至二丈一尺高七尺至一丈二尺不等計發工撫銀一千五百七十六兩五錢七分四釐

一修青縣境內黑龍港兩岸隄工自王程莊起至胡家店止工長

二萬一百六十三丈一尺修成頂寬三尺至一丈底寬一丈至三丈高二尺至六尺不等計發工撫銀一千兩
一發永定河麻袋月夫兵飯等銀二千八百六十七兩三錢二分六釐

以上統共支發賑撫銀三十七萬六千三百三十八兩一錢二分八釐三毫四絲八忽六微

津錢八萬七千六百五十三串五百六十二文

漕米九萬三千四百九十二石八升七合七勺

大米一百七十六石四斗

粟米二萬二千三百二十石九斗九升

高粱六百四十四石五斗

棉衣五萬九千八百五十一件

應存項下

一存銀八萬一百三十一兩五錢八分四釐八毫八絲五忽六微

津錢一千八百十串二百三十四文

漕米八千六百六十九石四斗一升二合三勺

粟米六百一石九斗九勺

棉衣一萬一百三十一件

電綫津貼學堂用款摺

光緒十三年二月初九日

奏爲南北各省電綫官督商辦核明光緒十年津貼各項並電報學堂用款循案報銷摺單仰祈

聖鑒事竊照天津至上海又天津至大沽口通州及蘇浙閩粵等省設立電綫官督商辦由准軍餉內開支津貼巡電弁兵糧乾並電報學堂用款業經臣截至光緒九年十二月底止分晰彙開清單於十年十一月二十一日專摺

奏銷奉

旨該衙門知道單併發欽此並遵照部文月造細冊咨送核銷在案查電綫經費本係准軍用款分外之事自應循案統歸經辦之員自行報銷仍於准軍案內將動撥銀兩照數登除飭據督辦電報事務山東登萊青道盛宣懷核明光緒十年分循照定章所設

天津至上海電綫迎閏十三箇月又天津至大沽電綫自正月至三月底歸官經辦止計支津貼巡電弁兵馬乾口糧並修理巡房經費湘平銀一萬一千六百六十一兩有奇除在淮軍餉內支領銀一萬八百二兩外計不敷閏五月一箇月弁兵馬乾口糧湘平銀八百五十九兩有奇係在蘇浙閩粵津貼巡費項下撥支又天津至通州電綫計支津貼巡電弁兵馬乾口糧十年分連閏十三箇月湘平銀一千一百五十九兩有奇除在淮軍餉內支領銀一千七十一兩有奇外計不敷閏五月一箇月弁兵馬乾口糧湘平銀八十七兩有奇係在蘇浙閩粵津貼巡費項下撥支又蘇浙至閩粵各省電綫十年分津貼各汛巡電弁兵馬乾口糧連九年分先期完工各汛巡電弁兵馬乾口糧並總巡馬乾及蓋造巡房水綫房兼管水綫額外津貼各項經費計支湘平銀一萬八千九百

二十四兩有奇又撥支津貼由津至滬由津至通各汛巡電弁兵馬乾口糧閏五月一箇月湘平銀九百四十七兩有奇兩其支湘平銀一萬九千八百七十二兩有奇查第一次在淮軍餉內豫支銀一萬兩業於九年分冊內請銷第二次第三次又在淮軍餉內支領銀各五千兩共三次支銀二萬兩按數抵銷尙餘銀一百二十七兩有奇又天津電報學堂十年分計支經費湘平銀一萬三千八百兩有奇又上海電報學堂十年正月起至五月底期滿止計支五箇月經費湘平銀一千三百五十兩統計光緒十年分連閏十三箇月應請銷准餉項下支領湘平銀四萬三千一百三十四兩有奇除九年分報銷蘇浙閩粵巡費項下業經列銷銀一萬兩外實應請銷銀三萬三千一百三十四兩有奇以一零三六三折實庫平銀三萬一千九百七十三兩有奇實存湘平銀一百二十

七兩有奇應歸十一年分報銷詳請核奏前來臣查電報之設信
息靈通有裨軍國大計此次自光緒十年正月起截至十二月底
止開支各款均照上屆成案實用實銷並無絲毫浮冒除飭將支
給細數分晰造具清單咨送總理衙門戶部查核外相應繕具簡
明清單恭呈

御覽仰懇

天恩俯准照銷理合恭摺具陳伏乞

皇太后

皇上聖鑒謹

奏

奏留聯芳片

光緒十三年三月二十三日

再臣辦理交涉事件需用緝譯法文法語之人適有前署俄國參贊三品銜不論雙單月儘先前卽選知府聯芳精曉法文志趣甚正前經出使英俄國大臣劉瑞芬給假回籍茲因假滿行抵天津正值北洋需才之際應飭留津差委以資得力除咨總理各國事務衙門並出使英俄國大臣知照外理合附片具陳伏乞

聖鑒訓示謹
奏

周馥總理北洋營務

光緒十三年三月二十六日

再津海關道周馥現已交卸長蘆鹽運使署篆本應飭令回任惟北洋創辦海軍於奉省金州之旅順口建造船塢以洋員承辦爲水師兵艦停泊修理之所工程極關重要必須明練大員往來監督庶可剋期竣工旅順前已駐軍修築礮臺現又移調銘軍綏藩赴金州遼東大連灣及山東之威海衛屯紮凡建營築臺一切防務尤爲繁重該道周馥才識闕遠沈毅有爲能勝艱鉅歷年隨臣籌辦軍務洋務海防力顧大局勞怨不辭並熟悉沿海情形堪資倚任自應暫緩回任派令總理北洋沿海水陸營務處剋期前往旅順督飭洋員妥辦塢工並聯絡旅順大連灣威海衛水陸各將領妥籌布置藉以裨助

微臣

耳目所不逮理合附片陳明伏

乞

奏聖
聖
聖
聖

永定河秋後察辦摺

光緒十三年三月二十六日

奏爲永定河南八下汛尾閘無工處所漫溢仍會清河入海一時無礙全局應否堵閉擬俟秋後察辦恭摺仰祈

聖鑒事竊臣於三月初五日在差次接據永定河道塔奇魁稟稱

該河近年大溜皆由南八上汛大范墾口一帶向東北至韓家樹

會清河入海南八下汛隄埵本係平工向不備儲椿料今年凌汛

因舊河身下口淤高恐致改流會於該汛購料防守乃冰泮後上

游凌水源源而來疊次增漲勢甚洶湧河流忽改南趨偏刷該汛

隄根連日竭力設法搶護乃二月二十二夜狂風大作水益擡高

排空而下人力難施從南八下汛十三號漫過隄頂該隄本因清

河之水北泛業被浸潤遂刷成漫口二十餘丈並有旱口數處查

此漫口處所卽係道光十年以前永定河下口現仍會清河入海

口門距清河八九里漫水經過地面係大窪荒港並無村莊舊河
身下口既已高仰挑挖不易堵決培隄費亦不輕擬就慢口改爲
下口請派員勘議等情當卽飭派天津道胡燏棻候補道張紹華
候補知府桂本誠馳往會同該河道詳細查勘妥議臣差竣回津
經過該處復親自察看旋據該道等稟復請俟秋後再行酌度前
來伏查永定河下游近由韓家樹左右會入清河勢非暢順緣河
面狹窄大汛渾水力猛清不敵渾遂受倒灌之害汛後旋亦刷通
現在漫口在韓家樹以上十餘里口門以南清河以北及東西一
帶本係注見淀楊芬港窪地爲嘉慶二十三年以後道光十年以
前永定河下口渾水蕩漾之區清河之水已於上年北泛數里今
與渾水連合東趨入海其勢頗暢注見淀楊芬港等處寬廣數十
里非韓家樹左右河道狹窄可比尙可散水勻沙清河不致遽成

於墊恭讀乾隆十九年

高宗純皇帝上諭方觀承奏永定河下汛隄堰漫水一摺漫口既屬堰尾又外俱空闊處所若無淤墊之患似可聽其合流使下口益暢等因欽此誠以治河必權其利害輕重因地制宜尾閘隄堰內外本可聽其流行藉資蕩滌下口暢則上游亦得速消庶免到處衝突今漫口既在尾閘又係百年經行之地淀窪平衍尙堪容受一時無害全局且距舊日清汛合流之韓家樹僅十餘里卽閉有淤滯亦與往歲情事相同疏濬尙易爲力現值庫儲支絀巨費難籌自應如該道等所議緩俟秋後察看情形能否就此改作下口清汛並行再行統籌詳酌奏辦以昭穩妥而免虛糜清河之南卽子牙河尙有格淀隄爲清河水牙界限已飭天津道將格淀隄修築完固以防南溢並飭挖河機器船傍隄疏挖就土堆隄多爲

之備其永定河南八下汛十三號以上隄段卑薄仍嚴飭該河道
趕緊撥做裏頭加培高厚無使續塌並築挑水大壩以資搪護除
將搶辦不力之廳汛各員撤任道員暫記大過隨時察看核辦外
理合恭摺具陳伏乞

皇太后

皇上聖鑒謹

奏

威海大連灣籌撥防款片

光緒十三年三月二十六日

再前准總理海軍衙門咨開酌撥官軍駐紮威海衛大連灣以固渤海門戶摺內聲稱兩處購辦巨礮魚雷等項及築臺設棧工程所費不貲應分年籌撥擬由江海浙海兩關洋藥加釐內成撥三十萬以十年為期逐漸經營等因奏奉

懿旨依議欽此臣遵卽調派提督劉盛休知府戴宗騫等各統所部兵勇先後拔隊分往大連灣威海衛察勘形勢扼紮營壘惟海濱露處以購礮築臺為先務亟須豫訂巨礮以壯威勢奉撥江海浙海關歲撥洋藥加釐一款自應酌定數目以便飭關陸續籌付查江海關為商務總匯藥釐收數較旺擬每年照撥銀二十五萬兩浙海關每年照撥五萬兩合成三十萬兩庶款歸有著乃可盡意經營要防請

旨飭下戶部轉飭遵照除咨呈海軍衙門外伏乞

聖鑒訓示謹附片具

奏

洋藥稅釐撥還洋息摺

光緒十三年四月初七日

奏爲津海關洋藥稅釐併徵前已依期開辦仍認真緝私並將稅釐照章撥充餉費歸還洋息恭摺仰祈

聖鑒事前准總理各國事務衙門會同戶部具奏洋藥稅釐併徵由各關監督與稅司合辦一摺奉

旨依議欽此當經分飭北洋三關道遵照辦理均於本年正月初八日將舊捐截止卽於初九日在新關併徵雖津海山海兩關時屆封河未有洋藥進口亦令同時開辦據署津海關道劉汝翼片刊津海關洋藥稅釐併徵之關防與稅務司豫用印花以備按包黏貼其載運憑單則蓋用津海關道關防並稅務司印信由商人自行赴關請領各出漢洋文告示曉諭續准總理衙門咨送總稅務司赫德所擬詳細辦法各條又經分行照辦茲據該署道劉汝

翼詳稱自本年正月初九日起進口洋藥業照新章封存關棧每百斤應收釐銀八十兩與進口稅銀三十兩必在新關同時交足方准販運其正月初八日以前進口已經完稅未經完釐之洋藥亦屬稅務司派令扞手向各洋行查明數目由關登記飭商於六箇月限內每百斤赴關補釐銀八十兩其進口藥膏照總理衙門電示每百斤收稅銀三十七兩五錢釐銀一百兩此後所收稅釐銀兩均照向章分款入庫稅仍按結彙報釐則按結專報以清界限其新關應添華洋人役辦理驗貨發單黏貼印花等事已由稅務司自行雇募所需經費亦由稅務司按月具領樽節支用俟試辦一年據實造報作正開銷應購輪船添設關棧係照章應准之事亦歸稅務司酌量購置此新關開辦併徵之節目也又查洋藥稅釐歸新關併徵係為嚴杜偷漏起見已議於香港澳門附近添

設新關並於沿海各省酌置輪船巡緝但奸猾商民惟利是視身
命有所不惜洋藥質輕價昂收藏極易各省濱海地面漁艇民船
到處皆有輪船喫水較深只在大洋巡緝沿海船艇向係傍岸行
駛港汊淺灘處處可以直達總漏必難盡絕卽如軍火一項各國
條約均載明違禁不准販運乃私運者時有查獲軍火係笨重之
物洋人尙私運牟利何況洋藥偷漏一箱卽可驟得一百一十兩
之厚利安知不串通私販使我稅釐無著況內地土藥零星販運
釐金收數無多向附於洋藥釐捐局辦理應需經費亦取資於洋
藥局費蓋嚴查土藥卽以保洋藥稅釐事實相因理當兼顧直隸
土藥來自豫晉山陝等省陸路四通八達雖有局卡查緝已慮散
漫難稽若竟裁撤則土藥全歸私銷將併此歲收區區之釐均爲
奸商偷漏而土藥私販愈盛洋藥必被充斥稅釐隱受其虧尤恐

有礙大局是以於奉文截止洋藥釐捐局時卽稟明另設洋藥緝私兼徵土藥之局以杜私運充銷此仍留內地局卡緝私之實情也又查新關洋藥稅一項向係分成撥充天津機器局經費支應局兵餉及出使經費等用歸入稅冊造報應仍循舊辦理其釐金一項前曾奏明除照部議津防兵餉輪船經費照舊每箱開支二十四兩又留支地方有善舉等項十六兩餘均存爲歸還神機營所借洋款息銀如尙不敷卽在洋稅招商局輪船稅內無論何款隨時湊解免誤洋息期限應遵照辦理並將收支數目按結造報有案伏查兵餉船費事關

畿輔海防要需應仍照案每百斤開支二十四兩其地方善舉局費等項十六兩係歸該關外銷之款尙以開支京員津貼現改加復俸餉以及外國租界巡費修費地方善舉緝私局用經費等項

或係解京要款或關中外交涉均屬必不可少地方向辦善舉如
書院義塾恤廢會延生社廣仁堂施醫院保赤堂各事係屬教養
兼施寒士賴以資生貧民賴以存活事歷多年萬難中止並應照
舊辦理以現在釐金八十兩計之除兵餉船費二十四兩善舉局
費等十六兩每百斤實存釐銀四十兩卽以開支稅務司經費並
歸還神機營洋息專款此照章撥充餉費歸還洋息之實情也至
總稅務司擬呈總理衙門核准辦法內有行店煙館請領憑據擬
分三等按年交費一節煙館等類地方官隨時禁辦之不暇若從
而收費擾民似於政體有礙總理衙門許以體察情形具有深意
應請免其舉辦等情具詳前來臣查津海關洋藥稅釐併徵前已
依期開辦自應責成關道稅務司合力經理惟海面與內地緝私
未可偏廢方免稅釐暗虧餉費與洋息皆屬要需尤難短缺誤事

均應如該關道所議仍照舊章辦理以全大局除東海山海兩關
俟詳到另行奏咨外所有津海關洋藥稅釐併徵事宜理合恭摺
具陳伏乞

皇太后

皇上聖鑒

敕下總理各國事務衙門戶部查照謹
奏

輪船修費請免追繳片

光緒十三年四月初七日

再據委辦輪船招商局員山東登萊青道盛宣懷等詳稱准江蘇糧道咨奉戶部催查光緒八九兩年運漕輪船原領修費令卽追繳報部等因該道等查修費一款係爲體恤商艱慎重漕運起見商局輪船運漕原以輔沙甯船之不足創辦之初水腳修船等款奏准與沙甯船一律並無歧視向來輪船用費繁重除燒煤辛工等項其應行修理者卽就機器而論費已不貲蓋行駛惟賴機器必須隨時加修使其堅實迅利方免危險之虞光緒八年運漕之永清等十二船在上海耶松洋廠修理機器各項計支銀五萬八千二百八十九兩二錢五分一釐除奉給蘇浙修船銀五萬四千五百九十八兩七錢六分三釐二毫尙不敷銀三千六百九十兩四錢八分七釐八毫九年運漕之利運等十三船在耶松洋廠修

理機器各項計支銀八萬九千三百七十四兩六錢九分六釐除
奉給蘇浙修船銀七萬八十四兩五錢八分八釐二毫尙不敷銀
一萬九千二百九十兩一錢七釐八毫以上不敷銀兩因格於定
章勢難請益均由商局籌補至此項修費係專歸運漕時四箇月
核算與裝貨各船無涉核計歷年所領修船銀兩皆有絀無盈所
冀攬載客貨水腳稍資挹注前奉部飭追繳業將未能遵辦情形
縷晰稟咨查商局於十年因法人開蚌暫歸旗昌代管十一年收
回自辦員董已多撤換商股亦紛紛更替該道等係由旗昌收回
後接辦之員細核當時所收修船銀兩確已抵支修費帳冊具在
彭彰可考現在商局輪船運漕領款綜計每年少領銀至八九萬
兩之多運費已虞賠貼攬載水腳亦較從前減落商力甚形艱窘
且沙甯船修費每石尙給銀五分輪船修費已自十年停止同一

急公而領款則相形見絀若併責賠從前已用之修費商情實難
允服仍請免追等情具詳前來臣查戶部前因江蘇杏覆訓輪船
堅固行駛便捷無須修脩又稱近來輪船輻輳搭載水腳較前減
半遂將輪船運漕向有修脩一款停給並欲追繳已用銀兩殊不
知輪船之堅利全在修脩之認真蓋往來海洋出入口岸駛速力
猛船身固不免損傷而鍋鑪機器又時有滯塞損壞每次修費動
至數千金或萬餘金船本之重迥非沙甯船可比且運動全在機
器一有不靈卽不能行駛不得不隨時加修斷難惜費誤事非若
沙甯船乘風緩行無輪機之繁重可按年一修費亦不鉅也是以
通商以來上海有耶松祥生等洋廠專爲修理輪船卽大沽船塢
亦時有各國輪船請修之件此中外所共見其聞者若謂無須修
脩則各處廠塢皆虛設至近來搭載水腳減半係因中國商局

輪船添多洋商心懷嫉妬跌價相擠馴至大減約計創設招商局十餘年來中國商民得減價之益而水腳少入洋商之手者奚止數千萬此實收回權利之大端華商場蹙經營獲此明效正宜維持體恤庶免煽情渙散又爲洋商壟斷居奇況現運官糧客貨得價皆微股商已難獲利又須拔還洋債彌補前虧若再追繳已用之應給修費力更不支而與沙甯船顯分軒輊亦未平允相應仰懇

天恩俯念光緒八九年蘇浙發給招商局運漕輪船修船銀兩本係照章應給之款且已實在支用無存准免追繳以昭大信而恤商艱理合附片具陳伏乞

聖鑒訓示敕部查照謹

奏

開墾稻田緩議增租片

光緒十三年四月初七日

再同治五年天津軍糧城一帶開墾稻田案內佔用

西陵廣恩庫自置草地四百五十八頃七十四畝五分三釐四毫
每年應徵租銀二百三十五兩二錢三分一釐五毫前議自光緒
十年起每年由水利局照數撥交天津縣轉解戶彌補光緒十年
以前陳欠租銀一百十七兩六錢一分五釐五毫嗣據守護大臣
榮毓等奏稱草地墾成稻田租則亦應加增戶部以每畝應加若
干並起徵年限由直妥議具奏等因當飭天津道胡燏棻督同水
利局員及天津縣查明詳辦茲據覆稱此地本係官荒自同治五
年前大臣崇厚招佃開墾借撥經費迄今二十餘年疊經設法整
頓仍多未熟實緣地勢太窪下游海潮頂托上游瀝水匯注每致
一片汪洋且開墾稻田須修治溝洫置造輪盤水車及一切籽種

農具畜養騾馬費用甚鉅佃民因工本過大得不償失畏難中止現計墾熟者不及十分之二餘仍水窪荒草兼以地多鹹鹼往往今年墾熟而來年復荒是以每年僅令完繳水利未能定則升科遇災歉之年水利銀仍須豁免卽歲值中稔亦大都拋荒拖欠向不埽數完清從前收水利銀兩已儘數歸還原借經費去秋又被大水至今水利尙未完繳若再責令增租民力實有未逮況荒蕪未闢無人承領之地正復不少並水利亦無著落前因廣恩庫用項支絀議自光緒十年起每年撥解租銀二百三十餘兩月再彌補陳欠銀一百十餘兩皆按四百五十餘頃原數核算並未將水利無著之地按畝剔除已屬勉力支持應請仍照原議辦理俟地畝一律成熟再行酌議增租以昭平允詳請具奏前來臣覆核無異理合附片覆陳伏乞

奏
聖鑒敕部查照謹

唐定奎請卹摺

光緒十三年四月初七日

奏爲統兵大員積勞病故臚陳戰績請

旨優卹恭摺仰祈

聖鑒事竊據蘇松太道龔照瑗呈稱前福建陸路提督唐定奎於光緒十一年在江陰防次因勞傷舉發乞假調治十二年十月呈請開缺來滬就醫詎於本年正月二十八日在寓病故臚陳生平戰績懇請會奏等情前來臣等查該提督以良家子於咸豐三年倡率鄉團禦賊於廬州舒城之間疊隨大軍攻克名城同治初元始隸臣鴻章所部銘軍轉戰蘇常一帶無役不從是時該提督胞兄已故廣西右江鎮總兵唐殿魁驍勇無匹爲淮軍健將嗣以窮追悍賊殉節於湖北之尹潁河該提督接統武毅一軍隨同攻勦東西捻逆所向克捷直東豫一律肅清該提督之功爲多又隨劉

銘傳赴陝甘勦辦西匪繼復檄統銘武馬步等軍回防徐州江淮
南北隱然倚以爲重十三年日本舉兵窺犯臺灣前兩江督臣沈
葆楨奏調赴臺設防日人畏威卻退旋留辦撫番開山事宜適值
王開俊失利之後內外獅頭番社結黨在刺桐腳地方負嵎狙殺
風港枋寮各處道路爲之阻絕該提督沈毅有爲以番眾恃險出
沒無恆募土勇千餘人爲鄉導督飭各軍隨山刊木定先勦後撫
之策其進兵一出刺桐腳一出南勢湖分撥各營防守要隘親統
四營以當其衝番眾更迭肆擾該提督率大隊由刺桐腳銳攻竹
坑埔連環迭進沿路芟夷先後將竹坑本武草山內外獅頭等社
一律勦平其舊從之社均望風輸款甘受約束該提督初入山時
盛夏炎荒顛頓於老林仄谷之中出入於毒標飛矢之際其危苦
有非尋常戰事可擬者及至臺事既定將弁病疫幾不成軍滿目

創痍拊循申儆兵氣不衰而心力亦以是交瘁矣內渡後駐軍揚州光緒元年八月蒙

恩擢授福建陸路提督嗣復調紫江陰修築礮壘前當法事正殷料餉簡兵屏蔽長江門戶紀律嚴明屹爲重鎮因積勞感疾舉發無時年來屢次陳乞始蒙

恩准開缺方冀調治就痊爲

國宣力不意遽爾溘逝頓失干城伏念該提督忠勇奮發積苦兵間迹其勦平粵捻近年籌辦江防中開渡臺定亂馳驅盡瘁勳烈爛然歷溯前勞無媿一時名將合無仰懇

天恩敕部將前福建陸路提督唐定奎照提督軍營病故例從優議卹並將戰功事蹟宣付史館立傳以彰忠義從前淮軍諸將如程學啟唐殿魁張樹珊楊鼎勳郭松林吳長慶周盛傳等均蒙

恩建祠

予諡唐定奎勳績相等而渡臺之役尤爲艱苦卓絕應否

賜諡並原籍及立功自分建立專祠之處出自逾格

恩施非臣等所敢擅擬所有統兵大員積勞病故緣由謹繕摺會

陳伏乞

皇太后

皇上聖鑒訓示謹

奏

中法鑄錢運京摺

光緒十三年四月十二日

奏爲遵奉

懿旨訂購外洋鑄制錢機器並先用土法鼓鑄專備運京濟用請於長蘆京餉內撥給工本恭摺仰祈

聖鑒事竊照醇親王等會議整頓錢法一摺欽奉本年正月二十七日

懿旨規復制錢必應廣籌鼓鑄著李鴻章先行購置機器一分就天津機器局趕緊鼓鑄運京備用嗣後每錢一文均以重一錢爲率京局及各省一律照辦等因欽此遵飭天津機器局前福建藩司沈保靖候補道潘駿德會同天津道海關道詳細訪詢外洋鑄錢機器樣件價目據查各洋行開呈清單器具多寡不一價目懸殊每分自三萬餘兩至七萬餘兩不等機器造法本與中國模鑄

不同其自鎔銅捲片以至成胚鑿孔印字光胚挨次相連又非多
建廠座不敷分設事體本極繁重工本必多虧折惟既欽奉
懿旨飭先購機器一分試鑄亟應設法妥籌該局前曾將中國制
錢寄至英國格林活錢廠詢購機器據該廠開呈需英銀八千餘
鎊因飭往復討論並就局中廠屋器具歸併凡可通融勻用者概
無庸購買俾從節省卽向格林活鐵廠擇要訂購機器議明購價
減去三千鎊實需英銀五千三百八十三鎊合中國銀二萬二千
餘兩據洋廠云夏秋日永每日造十點鐘可成制錢二十四萬枚
冬春暑短造八點鐘究竟每日能造若干須俟器到由局核實試
造方能為準當已電致該廠迅速配製先付半價二千六百九十
一鎊十喜林又水脚保險約五百五十鎊共合中國銀一萬四千
餘兩飭由該局司道暫行挪款墊付俟機器運到連後半價核明

若干一併奏請撥給惟此項機器屢次電商至速須八月開造成
由英國裝船起運計運到天津已在十月以後又須按照機器式
樣修蓋廠屋安軸置器約至來春方可開鑄誠恐緩不濟急有誤
京中要需自應先用土法鼓鑄並行不悖查直隸省城本有寶直
局仿鑄制錢從前按月由部發給銅鉛由藩庫開支經費軍興後
久已停鑄臣於上年九月間飭天津道胡燏棻卽在津郡創辦名
爲寶津局業據挪借款項購買外洋銅鉛建廠置器募匠開爐自
冬徂春考核造法錢樣工本漸已就緒其鑄出新錢共成八千餘
串較福建所鑄者加重五釐每文計重九分頗稱堅潔商民皆甚
樂用臣於二月間入都時已將機器局用洋法試造錢樣及土法
錢樣二種面交醇親王轉呈

慈覽仰蒙

嘉許臣並將錢樣面交戶部錢法堂查閱現飭天津機器局一體
暫照土法采購銅鉛就局中隙地建廠開爐與天津道分投承辦
俾可多鑄早日濟用均遵

懿旨每錢一文以重一錢爲率勿稍參差據沈保靖胡燏棻等詳
稱該局道擬各設五爐共合十爐每爐一座計置備廠屋爐具約
需銀二百二十兩又該局該道每月各約需員役薪工紙張雜費
銀二百兩再三考校銅鉛火耗須及二成每鑄制錢一千文計用
銅鉛七斤十三兩以銅五成四鉛四成六配搭所需銅鉛柴炭價
及各項器具匠夫工食約合銀七錢六分九釐七毫一絲其建廠
設爐及員役薪工等費在外臣復督同該司道逐細核算刻值開
辦之始事事皆係創置且錢質加重工本勢難減少計虧折尙不
甚多采購銅鉛係按目前時價備日後增減隨時核報現飭天津

道機器局司道趕緊分辦仍力求撙節自本年閏四月起計一年內應令各認造新制錢五萬串共十萬串專備運京之用至於天津市面行用制錢常有缺乏之時除天津道已造者業經發給外另由該道等籌款酌量鑄藩司松椿亦經籌款購買銅鉛在保定建廠置器募匠開爐以濟省城商民之用仍各於發商時收回成本轆轤周轉隨時行核實開報不與運京之錢工本相混伏查福建鼓鑄運京制錢已由戶部查照醇親王等原奏撥給工本銀二十萬兩卽在該省本年應解地丁京餉內截留抵用其湖北等省運京制錢亦均於京餉內劃抵誠以規復

京師制錢事關重要必須款項有著乃能迅速集成直隸欽奉懿旨鑄錢運京事同一律且係瘠苦災歉之區實在無款可籌所有責成天津道機器局先照土法共認造制錢十萬串係專備運

京之用約需銅鉛各項工本銀七萬六千九百餘兩連建廠設爐
及每月員役薪工等費擬懇

天恩俯准撥給銀八萬兩卽在本年長蘆鹽課應解京餉內就近

截留如蒙

俞允仰祈

特旨飭撥以濟要需事竣據實咨部核銷至外洋機器鑄錢銅多
鉛少質樣最精虧折亦較重每制錢一千實需銅鉛各項工本若
千應俟機器運到開鑄後核明確數再行專案奏辦除將現用土
法鑄錢工本等項細數開單咨部外理合恭摺由驛覆陳伏乞

皇太后

皇上聖鑒訓示施行謹

奏

請開涪川鉛礦片

光緒十三年四月十二日

再醇親王等會議整頓錢法摺內聲明戶部存鉛不敷應趕緊采購戶部覆奏摺內謂黑鉛一項京局每年配鑄暨神機營工部琉璃窯等處需用甚鉅貴州湖南各有欠解其白鉛一項貴州可認辦若干尙未咨覆若專待該兩省采辦輾轉需時擬先購洋鉛濟急等語賊以銅鉛皆鼓鑄根本二者缺一不可前已奉

旨派唐炯督辦雲南銅礦可源源運濟鉛斤爲貴州湖南出產今該兩省辦解無多尙不足供京局之用而洋鉛因各省鑄錢爭購貨缺價昂未可常恃必須片籌接濟臣訪聞山東淄川縣柵木溝等處素有鉛礦產苗甚旺質色尤佳從前商民間往開采每日可出鉛砂七八萬斤於村莊風水廬墓並無妨礙因無人主持旋開旋止面商撫臣張曜會取礦樣寄至上海驗視皆稱極好該撫

又派員前往會縣察看民情頗順臣查制錢缺乏京外皆然今既
推廣鼓鑄此後京局及各省皆須鉛斤配製東省既有此鉛礦正
可及時開采以天地自然之利爲

國家圖法之需山東距京較近若果采辦得宜提鍊合法則部需
鉛斤卽不必專賴湘黔遠運更省煩費洵於大局有裨應請

旨敕下山東撫臣張曜迅卽遴員酌帶礦師確勘安定章程速籌
試辦以期興利便民臣又聞熱河亦有鉛礦已派人帶新募美國
礦師前往察勘如可設法開采容再奏明辦理臣爲鑄錢需鉛孔
亟起見理合附片具陳伏乞

聖鑒訓示謹

奏

驗收吳大澂所購礮彈片

光緒十三年四月十二日

再前會辦北洋事宜升任廣東撫臣吳大澂於光緒十年九月飭道員盛宣懷與泰來洋商定購德國克鹿卜廠八生的密達後膛鋼礮十八尊隨帶開花子彈五千四百顆白鉛羣子一千八百顆業於十二年正月由外洋運滬旋即轉運到營該大臣因先在京東一帶辦防嗣又奉

命赴朝鮮彈春查辦事件未即具奏前赴粵任將案卷並礮位等項移交到臣已派員驗收存庫備撥理合附片陳明伏乞

聖鑒敕部立案謹

奏

宋軍遣費仍請准銷摺

光緒十三年四月二十日

奏為宋慶所部前撤毅左軍發給兩月津貼公費加餉即在應發遣餉之列連平餘銀兩均已支用無存仍請照數准銷恭摺仰祈聖鑒事竊戶部核撥毅左軍四營報銷原奏內稱該軍於光緒十一年九月底裁撤發給十一兩箇月口糧作為遣費其每營月支津貼運腳銀二百兩公費銀一百兩加餉銀五百兩計四營兩箇月共請銷銀六千四百兩應均刪除等因當經咨行在案茲准統領毅軍四川提督宋慶文稱該提督所部各營遠駐旅順孤懸海島迥非腹地可比凡軍糧並勇丁衣褲等項皆須先期籌款派員赴天津營口購製所需價腳全恃津貼一款補苴總計尙多不敷前領十一兩箇月津貼銀一千六百兩業經抵用無存又公費一款因各營均有文案等員並未月支薪水向在公費內酌給

今既裁撤不能不酌給川資一併遣去且裁撤勇丁應派員分起分路管帶回籍該四營勇丁籍隸河南安徽遵派已裁之營哨等官分起分路押帶前進以資彈壓亦須酌給川資此皆就十一兩箇月公費八百兩籌節開支者又加餉一款原以邊外百物昂貴故加增口糧期敷食用向隨正餉發給勇丁已視爲例支之款裁撤時奉文發給兩月餉項作爲遣費本無扣除加餉之說若由營扣發必有譁噪之虞是以仍舊發給計四營十一兩箇月合銀四千兩每勇僅得銀二兩遣散已久更屬無從著追又部奏毅軍餉銀按汴平支發每百兩較庫平少銀二兩直隸支應局所領毅左軍餉銀俱係庫平應申出平餘銀五千七百六十兩內有部發原庫平其申合汴平尙不止此應令提回等因查毅左軍餉銀按汴平核發原有平餘銀五千七百六十兩惟防所距津遙遠領

餉盤費等項在所必需而例不准銷不能不就平餘動支計節次由津赴部領餉委員往返盤費餉鞘銀四百兩由旅順派員赴津領餉回防輪船保險水腳每次銀二百兩共九次支銀一千八百兩又十年正月至十一年九月閱操犒賞共銀九百三十兩又該軍四營撤勇雇覓民船由旅順載送山東煙臺每名酌給船價銀一兩二錢計四營勇夫二千三百八十四名支銀二千八百六十兩八錢統共支銀五千九百九十八兩八錢以平餘一項抵支尙不敷銀二百三十兩八錢仍係自行賠墊無可提回該軍遠道應募枕戈列戍艱苦備嘗今既遣撤歸里又須追繳餉款似無以慰將士之心咨請覆奏仍准照數核銷並據支應局司道詳稱部發原庫平與該局庫平並無盈絀不能於申合汴平每百二兩之外再有平餘等情前來臣查此案奉駁津貼公費平餘三款業據宋慶

逐一登覆或抵作購運軍糧衣褲價腳不敷之用或酌給文案等員及押帶道勇員弁川資或充領餉盤費閱操犒賞監運送遣勇船價其加餉一項本未奉文扣除仍隨正餉發給均屬實在情形該軍上年裁撤時既奉

諭旨准給員弁勇夫兩月薪餉各項作為遣費則津貼公費加餉皆在准給之列卽應一律發給兩月勢難減扣致多缺望自來馭軍不易撤勇尤難今四營二千數百人悉遵約束剋期安靜回籍實由不惜小費分投布置應發餉項並未絲毫短少軍心翕服核其所用均屬應支之款實無浮濫相應仰懇

天恩敕部仍准照數核銷以昭平允而示體恤再戶部原奏內稱毅軍在天津軍械局領用軍火不敷價銀二千三百五十三兩零作為軍械局協撥之款毋庸赴部請領是否相符一節飭查原案

數目相符合併聲明謹繕摺覆陳伏乞

皇太后

皇上聖鑒訓示謹

奏

請賞德員寶星
光緒十三年四月二十日

再北洋籌辦海防購用德國刷次考甫廠創造燐銅魚雷爲各國水戰新式最利之器其鍊銅祕法暨造用緊要關鍵該廠向未示人惟中國派往員弁尙肯悉心教導並繪送內景全圖據總辦魚雷營道員劉含芳詳稱所教魚雷理法及繪送之圖均屬祕要實於演習利器裨益非淺該廠總辦喀士落斯基嚮慕中國格外效誠准出使德國大臣許景澄咨請奏獎寶星前來查該總辦喀士落斯基係德國教部之員品級與副領事官相等合無仰懇天恩賞給該洋員三等第二寶星由臣咨送許景澄轉交佩帶俾資觀感伏乞

聖鑒訓示謹

奏

匪徒比照重例

光緒十三年四月二十日

奏爲直屬匪徒執持火鎗糾夥搶劫並擄人勒贖多次罪名較輕擬酌照奉天及兩廣定例懲辦恭摺仰祈

聖鑒事竊據按察使陶模詳稱定例奉天匪徒糾夥搶奪不論人數多寡曾否傷人但有一人執持烏鎗搶奪者不分首從照辦馬強盜例擬斬立決梟示誠以烏鎗爲害最烈數十步外卽能制人死命故定罪與執持尋常器械不同所以懲強暴重人命法至當也直屬此等人犯向照執持尋常器械一律辦理但近來匪徒往往執持烏鎗洋鎗糾夥搶劫殺傷捕人肆無忌憚

畿輔重地豈容兇穢日張自應變通向例從嚴懲創又定例廣東廣西匪徒如有將十五歲以下幼童捉回勒贖罪應斬絞監候者加擬立決罪應遣軍者加擬絞監候罪應擬徒者發極邊足四千

里充軍又該二省捉人勒贖之案如被捉數在三人以上及擄捉已至三次以上同時並發除被脅同行或本罪已至斬決無可復加外其罪應斬絞監候者加擬立決罪應遺軍者加擬絞監候罪應擬徒者發極邊足四千里充軍又如審無陵虐重情止圖獲利關禁勒贖贓至一百二十兩以上者首犯照搶奪滿貫例擬絞監候此例不爲兩廣匪犯而設其餘並無擄捉幼孩及計贓計次計人數作何治罪明文惟近來直屬時有幼孩被捉及擄捉多人多次並贓逾滿貫案件僅照尋常止圖獲利關禁勒贖之例擬以遣軍實覺情浮於法亦應變通辦理擬請嗣後直隸省遇有強劫及竊盜臨時行強並結夥十人以上搶奪之案但係在場之犯有一人執持烏鎗洋鎗不論曾否傷人比照奉天辦法無分首從均擬斬立決梟示至結夥三人以上搶奪究與十人以上有別應量予

區別其執持烏鎗洋鎗之人如係首犯亦擬斬立決梟示如係從犯擬斬立決傷人者仍加梟示未經持鎗者仍照向例辦理若竊賊施放烏鎗洋鎗拒捕一經成傷無論護賊護夥圖脫及臨時事後所傷是否事主爲首並幫同放鎗拒捕之犯皆擬斬監候秋審入於情實殺人者俱擬斬立決梟示尋常行竊及搶奪僅止一人或二人但係執持烏鎗洋鎗之犯雖未拒捕均發極邊充軍捉人勒贖之案除被捉並非幼孩及擄捉不及三人未至三次並賊未滿贖者仍照向章辦理外如有將十五歲以下幼孩捉回勒贖並被捉數在三人以上及擄捉已至三次以上同時並發贖計贖在一百二十兩以上者均照兩廣之例辦理等情具詳請奏前來臣查直屬近來常有匪徒執持烏鎗洋鎗夥劫傷人及擄人多次勒贖之案該司所詳係爲嚴懲兇暴整頓地方起見洵屬因時制宜

取應照辦理合恭摺具陳伏乞

皇太后

皇上聖鑒敕部核覆施行謹
奏

黑龍江電綫籌款片

光緒十三年四月三十日

再准戶部咨開黑龍江奏設電綫係邊防要務勢不可緩計需工料轉運等費銀十萬兩自應如數撥給惟部庫正項現存無多勢難全撥請照上年吉林設綫成案由北洋大臣於洋務款內籌撥銀五萬兩其餘五萬兩由部墊發奏奉

旨依議欽此鈔奏咨行前來查上屆吉林安設電綫需銀十萬兩係臣與吉林將軍奏准由江海關出使經費項下撥銀五萬兩其餘五萬兩由部庫借墊在案今黑龍江設綫待用孔亟除部墊五萬兩外尚須五萬兩臣處別無洋款可籌既經戶部奏明與吉林事同一律令臣照案辦理應請仍在江海關彙收出使經費項下撥銀五萬兩以濟要工而符部議除咨行遵照外理合附片具陳伏乞

聖鑒敕下總理各國事務衙門戶部查照謹
奏

巡船價銀分期改撥摺

光緒十三年四月二十二

奏為津海關洋藥稅釐併徵之款早經撥作代還神機營原借洋
息核計有絀無盈現奉部撥購置巡船四期價銀竭力勉湊一期
其餘三期無可再籌請由他關指撥恭摺仰祈

聖鑒事竊准戶部咨開洋藥稅釐併徵稅務司應購置巡船需銀
四十八萬兩擬由江海關海粵海三關各撥銀十萬兩津海關撥
銀七萬兩東海關撥銀三萬兩山海浙海兩關各撥銀四萬兩分
今年五月初十日八月初十日十一月初十日來年二月初十日
為四期於本年正月初九日併徵以後所收洋藥稅釐項下如數
撥交現在併徵甫經開辦收款不敷先由六成洋稅項下墊發俟
洋藥稅釐收起撥還原款以清界限等因當經轉行去後茲據署
津海關道劉汝翼詳稱該關原有洋藥稅每箱銀三十兩向係釐

入洋稅分作四六成撥充機器局經費支應局兵餉及出使經費等用皆必不可少前已奏明應仍劃歸洋稅冊內造報循舊辦理其內地稅釐自光緒十一年四月初一日加捐以後每箱徵銀八十六兩除照部議開支津防兵餉輪船經費二十四兩又向有善舉局費等項十六兩其餘四十六兩撥作代還神機營原借洋息早經奏定有案此項洋息每年應代還銀八萬餘兩分四期撥解斷難稍有短欠計自十一年四月初一日起截至是年十二月底止因改章伊始僅收內地稅釐銀一萬七千餘兩又自十二年正月初一日起截至十三年正月初八日止共收內地稅釐銀十八萬餘兩除去兵餉船費善舉等項應撥作代還神機營洋息銀九萬八千餘兩而自十一年十一月二十七日第一年期第二期起至十二年十二月初八日第二年期第二期止計已還過洋息銀十萬

二千餘兩實屬收不抵支今自十三年正月初九日起洋藥稅釐併徵每箱收內地稅釐銀八十兩較以前減收六兩按每年進口二千箱左右計少收銀約一萬二千兩其解支各款則須添支稅務司併徵經費是又入少出多之明證此洋藥稅釐併徵後業有一定支款且入不敷出難再抽分他撥之實情也又查津海關六成洋稅及招商船稅向除解支出使經費稅務司薪俸等項卽儘數撥解支應局以充大沽北塘一帶海口各礮臺練兵月餉原以天津爲

京畿門戶華洋雜處水陸交衝練兵設防實關根本至計不得不就稅項竭蹶供支此係計口授食要需每年除撥藥釐等項外應撥洋稅銀二十餘萬兩厯因稅收短絀不能撥足上年稅收較旺其可充餉者亦僅二十萬兩零今年市面清淡來貨稀少豫計一

年收數必不如前月餉必多欠缺軍士嗷嗷待哺支應局催解頻仍莫名焦慮且六成項下奉部添撥鉛價銀一萬兩甫經勉力湊解又有催提加放俸餉銀二萬兩及前欠東北邊防餉抵閩京餉銀三萬兩更不知從何設措此六成洋稅收不敷支不能借作他用之實情也購置巡船原爲沿海緝私而設應需購價自宜取資洋藥稅釐無如津關收數無多前年加捐後已奏定全數撥充要用核計有絀無盈均有奏案及報部冊籍可考今添撥購船價銀七萬兩爲數太巨委屬無從應付關庫本極艱窘原有解支各款皆關緊要不能緩欠而洋息又接續到限尤未便逾期不交再四思維實乏並顧兼營之策惟是巡船購價亦不可少茲擬於萬難之中竭力拊措一期銀一萬七千五百兩藉資湊濟但此時一籌莫展祇可俟洋藥內地稅釐徵起陸續勻提應作爲來年二月初

十日第四期之用屆時無論如何必當挪借撥交其本年五八十一等月三期銀五萬二千五百兩無法羅掘惟有詳請奏明改於他關勻撥並懇俯念窘迫實情嗣後指撥款項該關邀免再撥俟洋息歸清再候酌撥以紓喘息而免貽誤等情具詳前來臣查此項購船價銀戶部係按沿海七關洋藥稅釐指撥惟各關進口洋藥多寡不一稅釐盈絀互異津海關每年進口洋藥僅二千箱左右而指撥銀至七萬兩之多江海浙海粵海閩海各關每年進口洋藥自六七千箱至一萬數千箱不等有冊可稽而江海粵海閩海每關僅指撥銀十萬兩浙海關且止四萬兩在部臣無非留此有餘以備他用若果津海關可以力任何敢不爲其難但該四關進口洋藥較多稅釐較旺且閩海粵海浙海三關並無代還神機營洋息津海關每年所收洋藥釐不過十六萬兩除照舊坐支餉

需各要款約八萬兩其加捐後多入之八萬兩早經奏定作為代還神機營洋息并有應支稅務司併徵經費不特無餘且多不足實與閩粵各關情形迥不相同六成稅更無可挪動該關道以奉撥船價無從應付確係實情今擬無論如何為難湊撥一期銀一萬七千五百兩洵已不遺餘力此外無可再籌若不豫為聲明必致臨期貽誤相應仰懇

天恩俯念津海關洋藥稅釐無多既有坐支餉需又添派代還神機營洋息今勉湊船價一期銀兩已屬竭蹶萬分其餘三期無法

羅掘

敕部在於稅釐較旺及無代還神機營洋息之各海關迅速酌量勻撥以昭公允而免誤事嗣後指撥款項津海關未歸清洋息以前並請免其再撥此因限於財力實出萬不得已理合恭摺據實

瀝陳伏乞

皇太后

皇上聖鑒訓示謹

奏

李文忠公奏稿卷五十九